

500 peminat sukan berbasikal sertai UMP EcoRide 2017

KUANTAN - Penganjuran 1st International UMP EcoRide 2017 berjaya mendapat penyertaan lebih 500 peminat sukan berbasikal walaupun baru kali pertama dianjurkan.

Naib Canselor UMP, Profesor Datuk Dr Daing Nasir Ibrahim berkata, pihaknya mengalu-alukan penyertaan peserta individu dan kelab termasuk dari luar nege-

ri Pahang serta berbangga dengan komitmen warga kerja UMP yang sama-sama menyumbang tenaga dalam memastikan program berbasikal lancar.

Menurutnya, acara itu mampu mempromosikan aktiviti berbasikal sebagai satu cara beriadah sambil menghayati keindahan di negeri Pahang, sekali gus merencanakan program Tahun

Melawat Pahang 2017 bagi menarik minat pengunjung memilih negeri Pahang sebagai destinasi pelancongan menarik.

"Penganjuran acara ini juga sebagai aktiviti menyokong gaya hidup sihat yang menyumbang kepada kesejahteraan dalam kalangan warga kerja dan mahasiswa UMP, sekali gus mewujudkan pengalaman kampus yang

kondusif kepada pihak luar yang berpeluang menyaksikan sendiri suasana kehijauan kampus ini.

"Aktiviti berbasikal juga merupakan senaman yang ideal bagi masyarakat di semua peringkat umur di samping meningkatkan stamina dan meredakan keletihan," katanya pada program melepaskan peserta pertandingan UMP Eco Ride di UMP Pekan.